

Абдулла ибн Искандархон ибн Жонибек султон ибн Хожа Мухаммад ибн Абулхайрхон (1534-Миёнкол, Офарикент кишлоги - 1598-йили 8-феврал Самарканд, Бухоро якинида Бахоуддин мажмуасига дафн этилган) (1583-1598)

Ўзбек давлатчилиги тизимидаги Бухоро хонлигининг шайбонийлар сулоласидан энг йирик хукмдор (1583-1598), давлат арбоби, саркарда, илм-фан, маърифат, маданият хомийси. Тошкент хокими Барокхон (Наврўз Ахмадхон) билан Косон ёнида (1548), Мўнгилистон хони Абдурашидхон ва шайбонийлардан Дўстум султонлар кўшинига карши Фороб ёнида (1554) жанг килган. Ёш Абдулла султон ўзининг хукмдор сифатидаги бутун гайрат шижоатини 1551-йил Карманада намойиш этган; вилоятга Тошкентдан Барокхон ва Самарканддан Абдуллатифхон хужум килганлар, Искандар султон Амударё ортига кочган. Абдулла султон отаси вазифасини ўз зиммасига олиб бу хужумни муваффокиятли кайтарган. Кейинги йилларда (1552-56-й.) ўз мулкини Гарбга – Бухоро томонга ва жануби-шарк – Карши ва Шахрисабз томонга кенгайтиришга интилган. Бу сай-харакат дастлаб муваффакиётсиз чиккан, хатто 1556-йилда у ота мерос мулкини ташлаб Майманага кочишга мажбур бўлган. У амакиси, Балх хокими Пирмухаммаддан харбий ёрдам олиб ва пири Хожа Мухаммад Ислом кўмакида Барокхон, кейинчалик унинг ўгиллари Дарвешхон ва Бобо Султонларга карши узок муддат кураш олиб борган. Наврўз Ахмадхон (Барокхон) вафот этгач (1556-й.), дархол Кармана ва Шахрисабзда ўз хукмронлигини тиклайди, 1557-йили майда Бухорони кўлга киритади ва уни ўз пойтахтига айлантиради. 1561-йилда отаси - Искандархонни давлат бошлиги - хон деб эълон килиб, унинг номидан мамлакатни ўзи бошқара бошлайди. Марказий хокимиятга бўйсунидан бош тортган шайбоний султонлар билан курашиб, Балх (1574-й.), Самарканд (1578), Тошкент, Сайрам, Туркистон (1583) ва Фаргона (1583-й) ни эгаллайди. 1582-йилда Даштга юриш килиб, Улугтогга кадар борган. 1583-йилда отаси Искандархон вафот этгач мамлакатни ўз номидан бошқара бошлайди. Марказий хокимиятга карши кўтарилган Маймана ва Гарчистон (1583-й.), шунингдек, Бадахшон (1585)даги галаён, тартибсизликларни бостирган. Хоразмга икки марта юриш (1594 ва 1596) килиб, у ерда марказий хокимият хукмронлиги кайта тикланган. Абдуллахон II сафавийлар билан Хуросон, Гилон учун курашиб ўз тасарруфига киритган. Шаркий Туркистонга килинган юришда Кашкар ва Ёркент вилоятларини олган. Бобурийлар хам Бадахшон, Шимолий Афғонистон ва Хуросон учун Абдуллахон IIга карши курашганлар. Абдуллахон II бунга карши Синд (1583), Кашмир(1586) ни эгаллаб давлатнинг жанубий чегараларини мустахамлаган. Абдуллахон II даврида мамлакат худуди Кашкардан Орол ва Каспий денгизлари сохилларигача, Туркистон ва Сайрамдан Хуросоннинг шаркий кисмигача бўлган ерлардан иборат эди. Абдуллахон II хаётининг сўнги йилларида ўгли Абдулмўмин билан чикишмай колган. Улар ўртасидаги муносабатлар кескинлашганидан хабар топган козок хони Таваккалхон Тошкент вилояти ва Тошкент – Самарканд оралигидаги ерларга бостириб кириб, унга карши юборилган кўшинни енган. Унга карши сафарга отланган Абдуллахон II Самаркандга етганида ўгли Абдулмўмин 1598-йил 8-февралда амир Мухаммад Бокибий билан келишиб отаси Абдуллахон II ни захарлаб ўлдиради.

Абдуллахон II фаол ташки сийосат олиб борган. Унинг мамлакат ички сийосатидаги, давлат бошқарув тизимини мустахкамлаш, айниқса пул ислохоти ўтказиш йўлидаги фаолияти натижалари кейинги даврларда ҳам сақланиб қолган. У кўплаб турли иншоотлар қурдирган.

Унинг даврида мамлакатда шаҳарсозлик, адабиёт, илм-фан тараққий этган. Бухоро маданият, илм-фан марказига айланган. Хофиз Таниш Бухорийнинг „Абдуллонома“ („Шарафномаи шохий“) (1584-89), Амин Аҳмад Розийнинг „Хафт иқлим“ (1583), Мутрибийнинг дунё харитаси илова қилинган „Тасқирати шуаро“ (тахминан 1593-95) ва бошқа илмий асарлар яратилган. Бухорода машҳур Абдуллахон мадрасаси ташкил қилинган. Хасанхўжа Нисорийнинг „Музаққир ахбор“ асари Абдуллахон II га бағишланган.

Абдуллахон II нинг ўзи ҳам истедодли шоир бўлиб, „Хон“ тахаллуси билан ўзбек ва форс тилларида шеърлар ёзган.